

DIALOGO

fra Pepo e Nino

sulle Elezioni Amministrative

A 43

P. Cidè! et vist che foi a si cantun?
N. Quell dit amigh? i ne più d' un?..
P. Te rason, iè zinq o sei,
quel d' Simon e Cerinei...
N. A lo ben vest, cosa vol di?
an lo migh putù capl?!..
P. Le l' avis dun giornalett
cle vnu fora ca lo lett,
e trata sora al ielezion
le sempre al soliti canzon!!!
N. Chi ai decis da mandè su
i ner, i russ, o i turehin blou?
P. Chi lo sa, iè do partid...
quei ch' sarà più favorid.
N. Me pipen a starò a vedè
te se pu che me an niò feda
ne te governe e te comun
san fam qualcosa da per nun.
P. Va la Ninin lasa un po' andè?
dim un po' cosa vot fe??
tan ved pu ben ca sem arduitt!!!
ormai i pret i chmanda tutt!..
Tan ved cle cal un montaner
un gesuit senza coller
la pianted un sodalizie
com ai temp de S. Uffizie,
a t' un lemp a t' un moment
ei na arrolè tre quatrezent?
tan ved per lor com iè propens?
tan sent che puzza chiè d' incens
te comun in tutt i logh
e per sa quest chi zenda e fogh?
tan ved che straz chi fa d' lavor
che si po i vo chmandé Lor?!!
Com! Di zittadein che de trentun
ià fat front a mi cannun

di tedisch e di Croat
che in paragon ieva do gat!...
De quarentazinq d' Avril
chià ciaped a ti fuzil
e chià fat rivoluzion!...
Che tla reina de pallon
ià fat saltè dalla paura
i papalein giù per la mura? .
chi na fat mai al carrogn
in tutt i temp in tutt i bsogn?
Chià di mertir d' arcordè
e dli glorie da vantè:
Un Venerucci fuziled
di zentinera massacred
per un bon e giust prinzipie
t' vo ch ingola in Municipie
di Cante di Dromederie
sa cla puzza d' consoaerie?!
sarea rob da biasimei
ed anche pegg da bastonei!..
N. Sta bon Pipein tavrè rason
ma i radichel sarai più bon?
P. In sarà tutt dalla nosta!...
bsognarea fei a posta?
sa ne elt sarà una lista
chi n' appuzza d' Sanfedista,
N. Però i dis a te Paes
che un po' d' tuff i la d' borghes,
P. Quasi quasi una metà
qualchedun i dis chi l' ha,
chielt le quattre democratich
a te digh perchè a so pratici
N. Un che vlessa andé a votè
di, do avreile da capè.
P. Sa taves da de un pater
ered che e cor a te sincer.

vota pu do chiè d' iartist
che per quant i sia trist
i n' arriva i pret e i sgniur
quest i qui sta pu sigur.

N. At lo mo d' mand e mi aruigh?
ma te se can mi n' intrigh
perchè a ered che quest an sia
da percorr la nosta via.

P. Ti Ninen fa e tu interess
quel che me a to ditt ades
fa cont che sia passè dla
fa po quel te volontà.

N. Un enta cosa a vleva di
e pu dop a em finí.
Cos cu ientra Cirinei
sli elezion e se consei?

P. Sicom che Stu e portò la crosa

tutt i dis a piena vosa
cla fu pe Sindache sta bota
che fadiga giorne e nota
per pansè per e comun
ma anche Lo e farà per un

N. Lu la crosa le cla porta?
a sem Non e pu d' che sorta!
chi cià tolt fied e palmon
con al spesi di Comun. (a)
Basta! e zogh le cort e bel
di chi porta un ent bochel
ca bivem un biccer d' vein
e d' matteina ai pensarem
se sarà mei andè a voté
o verament a lasei fe.
Bona sera se Pipein..

P. Bona notà e mi Ninein.

(a) Fra i salmi dell' Uffizio
v' è ancora il *dies irae*.

G. V.